



CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
JAN 20 1940

134

T 4654/4244A





歷代名臣奏議卷之一百

州

宋光宗紹熙元年湖南提舉判官陳博長薦宋文仲等以爲本朝
明詔搜羅湖廣遺材益見其直如潭州長沙縣宋文仲有遺書之
才而發於謙和有及物之意而安於靜遠蓋文仲雖生長而志未
擊則中原文獻也頃者中原雖高有民譽方臣假守桂陽得其爲人說
訪之而文仲字爲桂陽人其書後臣本軍會討錄一卷臣遂行也
所以能編除宿孽罷奸計不得罪於其民者文仲之功也尋領使
事訪以九利病無不問如前者余司權補詔郡未幾十萬戶令者
漕司頌錢亦數萬餘言文仲登之臣以爲文仲雖衡陽人實國士也
奉議郎知常州無錫縣吳鑑學則本於此實其職期於遠之於居間
部宗爲師友死與之遊頗多自愛而獲於其功者極之不家可也

歷代名臣奏議卷之一百四十七

用

宋光宗紹熙元年。湖南轉運判官陳傳良薦宋文仲等狀曰。臣恭覩明詔。搜羅湖廣遺材。竊見通直郎知潭州長沙縣宋文仲。有通務之才。而發於謙和。有及物之志。而安於靜退。蓋文仲雖生長南土。其家學則中原文獻也。頃丞萍鄉。藹有民譽。方臣假守桂陽。得其為人就訪之。而文仲嘗為桂陽錄事參軍。授臣本軍會計錄一書。臣遵行之。所以能蠲除宿負。罷弛糾糾。不得罪於其民者。文仲之助也。尋領使事。訪以九郡利病。無不周知。前者倉司糴補諸郡米。僅十萬斛。今者漕司蠲錢亦數萬緡。皆文仲發之。臣以為文仲雖衡陽人。實國士也。奉議郎知常州無錫縣吳獵。學問本於純實。器識期於遠大。所居閭郡宗為師友。凡與之遊。類多自愛。而獵於其交。有善稱之。不容口有



過校之不遺力。有急難。雖不利於其身。赴之不恤也。頃從事桂林幕府。與平李接之亂。未嘗言功。已而帥臣劉焯不理於口。而獵誼不避罪。屢訟其寃。人臣如此。其不負國必矣。臣守桂陽。獵適為贍軍酒官。助講荒政。甚於飢渴。桂陽故事。遇皇帝登極。奉表進銀三千兩。屬方採荒之際。力不辦。此臣懼無以塞責。獵實教臣申請減額。送蒙睿旨。損三之一。為惠一方。獵與有力。臣以為獵雖長沙人。亦國士也。文林郎知潭州攸縣蔣礪。素稟端亮。耻為苟簡。往歲江陵。今茲攸縣。廉惠之譽。兩邑同辭。觀其為吏。苟不便於民。雖上官令之不聽。苟便於民。雖匹夫不獲伸。則身任其責也。臣嘗見其詣闕。所上書論廣右利害。有四採弊之說。及與提點刑獄司論經總制錢。其言惻怛。可以施用。則迹臣所謂遠方因革。可備咨訪者。在靜江則礪其人。也。奉議郎知全州清湘縣楊焄。賦受沉審。濟以通練。亦佐桂幕。與平李接之亂。隨

宜知變見。謂善謀。而其操履自不可奪。及今為縣。益著吏績。郡實賴之。臣得其領外鹽筴本末一書。自開寶訖于淳熙。上下二百餘年。燦然明白。其論以政和蔡京變法實為咎根。馴致二廣連年多盜。官船客販。迭為民擾。蓋利東路。則西人被其害。利西路。則東人被其害。宜為損益兼惠兩路。斯可以便公私息紛更。以臣所見廣鹽之說十數家。未有如焄之平者。則迹臣所謂遠方因革。可備咨訪者。在臨賀則焄其人也。如臣不肖。非有知人之明。能得此數子於眾人。未識之先。正以久居於此。或聞之公論之熟。或見之同事之詳。如宋文仲吳獵之在湖南。蔣礪楊焄之在廣右。朋儕鄉黨。咸所推先。牧守賓僚。無不器重。臣如隱默。不惟負蔽賢之罪。是不奉明詔也。已於今年某月某日具狀奏聞。臣愚欲望聖慈。特賜甄錄。以昭示公朝。不遺遺之美。謹錄奏聞。伏候勅旨。

四年。傅良爲起居舍人。兼中書舍人。繳奏給事中黃裳改除兵部侍郎。狀曰。臣以樓鑰差克御試官時。暫兼攝吏左房書黃事。近者新除鄭汝諧權吏部侍郎。錄黃一道。臣已書行去訖。給事中黃裳不肯書讀。輒有論奏。臣於鄭汝諧有鄉曲之好。於黃裳有僚友之情。與此二人。初無厚薄。鄭汝諧之除授。堪與不堪。黃裳之封駁。當與不當。臣不復論思。奉聖旨。改黃裳兵部侍郎。此臣之所不敢默默也。何者。給舍封繳。是謂官守。其言行則謂之振職。其言不行則謂之失職。振職謂之功。失職謂之罪。此百王以來。與國家列聖之所務。暴白者也。今者黃裳之言。臣不識陛下以爲是歟。抑以爲非歟。若以爲是。則當聽從。若以爲非。則當罷黜。今也陰廢其言。而陽遷其官。是非不明。賞罰倒置。臣竊以爲當今之時。不宜有此。何者。陰廢其言。而陽遷其官。古來傳記。嘗有此事。若非猜阻之君。喜權任數。以此爲蓋抹之術。則是姦

回之臣。嫉賢醜正。以此爲中傷之計。今陛下寬容樂易。非猜阻之君。二三大臣。靖共正真。非姦回之佐。不謂清朝有此過舉。臣頃常奏。屢言君德當與天同。毋蒙淵聽。曲加獎納。今夫天發生則爲雨露。蕭殺則爲霜雪。未有明示雨露之恩。而密加霜雪之慘者也。由此觀之。若裳所言。悖理傷道。營惑聰明。懷姦挾私。變亂事實。則陛下且出其辜。播之公衆。明怒而明黜之。如此施行。豈不正大。若裳所言。止於爲國過慮。無悖理傷道之失。或是求人本備。無懷姦挾私之邪。則以陛下明恕。何所不容。豈應違忤。遽有遷改。今乃名爲進官。而實奪其當言之職。外示優假。而中不無怒絕之意。遂使凡有官守。人人自疑。黃裳雖去。何以繼之。強顏緘默。誰無愧耻。隨事正掾。未知所終。則此際之後。將見給舍竟爲虛設。雖有忠賢。無以自明。此臣之所甚憂。而不敢默默也。欲望睿慈。少霽天威。收回成命。令黃裳依舊供職。以釋在廷

之疑。以爲來者之勸。

傅良又上奏曰。臣昨具奏給事中黃裳緣封駁不行。改除兵部侍郎。乞收成命。且令黃裳依舊供職。所有錄黃一道。當日繳還中書門下。省去後。更不付出。仰見聖心。本無適莫。不唯開畧黃裳。違忤亦復不。以僭越罪臣。惡激隆寬。何以論報。然黃裳尚未被受供。職指揮璫。闕官今已數日。臣愚窺度。或者陛下以爲無此故事。爲遲之耳。臣攷之史傳。大臣暫失人主之意。將及去官。俄而再留者。不可勝數。今特舉給事中二事。爲陛下誦之。唐呂元膺自給事中除同州刺史。及入謝。奏對激切。憲宗嘉之。明日。詔宰相曰。元膺謹言直氣。朕欲留在左右。使言得失。李藩裴均進賀曰。陛下納諫冠於前王。臣等既不能廣求直言。又不能數進直言。合當負罪。今請以元膺復爲給事中。上悅而從之。且夫元膺解職刺州。已有成命。而憲宗終惜其去。李藩裴均

復贊其留。遂令元膺再還舊官。故憲宗號爲英主。裴李亦稱名相。雖然。此猶是唐朝故事。非本朝家法也。紹興二年。以兵部尚書權邦彥爲簽書樞密院事。給事中程瑀三疏駁之。尋令他官書讀。程瑀乞罷。遂遷兵部侍郎。瑀不拜。除龍圖閣待制。知信州。臺諫官江躋方孟卿皆言黃門職典出納。顧不留瑀自助。竊爲朝廷惜之。上批復除瑀給事中。及入謝。上曰。給事之設。正要駁異。豈在雷同。朕以卿再三求去。勉從所請。然深不欲卿去。故再有此除。瑀出。特賜象笏。是則陛下家法也。仰惟高宗中興之初。君臣相與不事形迹。故程瑀志在報國。不以嬰鱗爲懼。而敢於駁邦彥。江躋方孟卿志在惜賢。不以朋比爲嫌。而敢於留瑀。而高宗天錫勇智。從善如流。故亦不以反汗爲吝。而深信躋等之說。用瑀如故。傅之史籍。千載美談。臣所以不敢信宿進此二事。以贊聖斷之決。伏望宸衷。體高廟無我之心。二三大臣。効李藩

裴垪獻替之力。特收成命。遽降黃裳依舊供職指揮。以增聖治之光華。以勸臣工之興起。而微臣不肖。亦得與江躋方孟卿同託不朽。曷勝榮幸。

傅良又繳奏張子仁除節度使狀曰。臣恭覩數日以來。一二明詔講慶壽之禮。足以歡兩宮之心。除鬻田之令。足以快四海之望。中外大小之臣。莫不手額欣抃。延頸以企。曰。近者二三大臣進退哀榮之典。久未予決。意自今聖心豁然。如天開霽。必次第處分矣。忽奉宸旨。張子仁除節度使。果有以見九重燕閒未嘗不軫懷勲舊。而及其後人。誠舉斯心而加諸大臣。則一指揮之頃耳。然而人之關係有重輕。則事之施行有先後。今二三大臣進退哀榮之典。宰執臺諫屢嘗奏請。方留未下。而遽加恩於勲臣之子。則是輕重不倫。先後失序。臣竊未曉。不敢不爲陛下條陳之。且夫留正輔相初政。于今四年。言聽志行。曾

未有君臣之間。而君卒不審。使出脩門。揆之經義。未爲中節。然而待放郊外。屏居山樊。自欲陳情。亦既累月。陛下誠怒之歟。則策免舊章。皆可覆視。誠不欲其亟去歟。則或以少保歸班。但解機政。或以內相領使。間奉朝謁。則爲政者進退唯命。夫復何辭。若猶鞅鞅缺望。稟命不度。則持憲臣容豈容但已。然則今置正弗問。而遽加恩於子仁。獨何與。恩足以及勲臣之後。而念不至上相。此臣之所未曉者一也。非特此也。趙雄以抱病不痊。均佚鄉郡。陛下強起之。以帥江西。雄之遜贖亦一再上。而重違天威。當暑出峽。竟以舊恙卒于官。萬里旅櫬。道路惻然。雖雄勲業不敢望過厚之禮。而有司常度安用損益。何爲恤典。遲遲至今。至如尤袤。三朝老儒。而陛下之潛邸僚友也。最蒙睿簡。行且大用。而其致仕遺表之章。亦數月未報。然則今置雄等弗問。而遽加恩於子仁。又何與。恩足以及勲臣之後。而念不至故老。此臣之

所未曉者二也。非將此也。關陝對壘。今六十年。國家以十萬貔貅付之吳氏父子三世。全蜀晏然。不煩西顧者。吳挺之力也。陛下方將召見闕庭。行采薇狀社之禮。曾未及講。挺復致仕。故尤以為傳聞失實。屏申奏而不信。豈非託重於挺。愛之欲其生乎。陛下之意則厚矣。而非其事情也。以挺之威望。敵國之所窺覷。則擇代不可以不謹。以挺之恩信。士卒之所懷感。則恤終不可以不至。以挺之事權。海內偏重。則一旦而收之。又不可以不深加思慮也。方今急務未有過此。然則今置挺弗問。而遽加恩於子仁。抑又何與。恩足以及勲臣之後。而念不至大將。此臣之所未曉者三也。雖然。臣所云云。特謂輕重不倫。先後失序。物論沸騰。因事而進言耳。若夫張子仁者。介在閑散。人不稱數。雖少長將家。而無橫草之勞。雖久綴班行。而無涓埃之補。不知何故得此殊渥。且夫開府建旌。非叙遷之官也。告廷享號。非私昵之賞。

也。無故而取之。則交結之謗。在子仁適足以禍。無故而予之。則非汎之惠。在聖朝不足以勸人。况張子仁嘗使冷姚德打死命官歐陽安中。又有外宅婢阿關。用炮烙刀刃之刑。虛害阿鄭等。蓋嘗經法寺定斷。臺官覺察矣。又皆以議功。僅從追奪。即其怙勢奸法。見於奴婢罪狀明白。不當除授。大略如此。其他妨礙。臣未暇數。以煩天聽。臣不勝拳拳。欲望聖慈。下采公論。將張子仁無故恩數。速賜罷寢。予以光華主德。尊重名器。而亟因羣情。舉行體貌大臣之禮。則社稷之福也。搢紳之願也。所有錄黃。臣未敢書行。謹錄奏聞。

第二狀曰。今月十二日。恭奉御筆付下。臣昨奏。繳張子仁除節度使事。奉御筆為係勲臣之子。特除節度使。可與書行。須至再有奏聞。若臣昨不揆愚賤。嘗繳奏張子仁除節度使事。退惟螻蟻。輒抗雷霆。言雖當理。死有餘罪。今者恭奉御筆。令臣書行。仰惟聖度如天。曲賜容

忍而人親。灑宸翰。明示風旨。顧臣何人。尚敢違忤。雖然。臣聞修當行之政者。足以慰僉望之情。施無故之恩者。足以米謗讟之心。臣前所奏。固知子仁之為勲臣子也。但方群情嗷嗷。延頸累月。皆以留正待放。而罷命未聞。趙雄告終。而恤典不及。凜然西陲。擁兵十萬。兵挺物故。關無主者。當此時也。而授鉞於閑散庸繆之臣。宜先者反。後宜緩者加急。則是捨當行之政。而推無故之恩。臣恐僉望者惶惑。而謗讟至矣。此所以深為聖明惜此事體。且夫報答舊勞。孰與輔初政者之為親。矜憐後裔。孰與專帥聞者之為重。此事理。曉然也。豈唯群臣。雖子仁固知之也。使子仁稍有念慮。則亦於此恩數。跼蹐不安矣。臣是以不敢隱嘿。須至再三。庶幾熙朝。不以無故之恩。而先當行之政。恭惟陛下聰明仁厚。遠繼三五。儻蒙少霽威嚴。下采上誓。而今而後。天意諒然。萬幾之間。祥疑冰釋。事關廊廟。則立見施行。憂在疆場。則便須

處置。上以承兩宮之志。下以盡百辟之情。人無後言。事無後患。如是則國家尊榮。朝野忻豫。雖勲舊子孫。憑藉寵靈。窮極富貴。亦物議之所不及矣。至如張子仁有罪無功。自是不當有此除授。則臣不暇論。所有元御封付下臣奏狀一件。連粘在前。謹錄奏聞。

紹熙中。太學博士彭龜年乞留侍御史劉光祖。以伸臺諫。上疏曰。臣等備數學官。素餐無補。事有職守。不敢越思。惟念國家開設學校。所以涵養天下公議之原。而臣等僅以課試文藝。苟求塞責。誠不足仰稱明指。日夕憂懼。不知所為。適有一事。偶關士氣之消長。臣等儻顧出位小嫌。緘默自愛。揆之初心。實所不忍。臣等伏見殿中侍御史劉光祖。近除太府少卿。士論紛紛。皆謂因論吳端除授之故事。之始末。踈遠小臣。不能盡知。或是或非。皆不敢決。然臣等竊以為不可者。偶留近倖。而遽遷臺臣。其於國體。所繫甚大。臣嘗竊觀祖宗借重臺諫之

意揆之古昔所未前聞。劉安世劾胡宗愈至二十餘章。而不以為瀆。貴重大臣。如文彥博。因唐介一言為之亟罷。而不以為橫。蓋所以優假直臣。尊安國勢。其為計慮至深遠也。今先祖論端。其言必不如安世之切。陛下偶然進端。亦未必寵任如彥博也。而祖宗處之如彼。陛下處之如此。比而觀之。孰得孰失。當不待人言而後喻矣。陛下嗣登大寶。始初清明。隆寬盡下。邁迹三五。豈容有此瑕玷。傳播四方。寧免疑惑。况天下士氣方患不振。今日之事。朝路籍籍。皆以為不可。而告陛下者。曾幾何人。平居則仰屋竊歎。遇事則緘默不言。陛下既未有以興起斯敝。而敢言者復不得伸。臣等深恐言者自此不敢言。而不言者亦以言為戒。甚非國家之福也。臣等私憂。猶不止此。陛下所以遷端者。止念其服役之久。而言者適然攻之太亟。陛下亦適然拒之太堅。小人不知。必謂其徒得君如此。其專據勢如此。其固附聲託影。寔成

驕橫。則他日將有不勝憂者。當是之時。臣等恐陛下尤費區處。如今日也。陛下天資恢廓。以虛受人。於天下事。初何容心。其始本無親昵近倖之意。而遽進端。其終亦無厭薄臺諫之意。而遽踈先祖。然疑似之迹。未能昭明。群情共憂。所當深慮。昔韓維因論臺官進退。有曰。自古聖王優待諫諍之臣。雖甚狂直。必加含忍。其勢非不能黜也。以為黜此一人。則傷衆多之心。遂此一失。則敗天下之事。故不為也。老臣憂國。其言懇切。深中事情。臣等欲望陛下平心定氣。更加審處。少抑近倖之恩寵。以伸臺諫之公論。復留先祖。俾復其位。使天下曉然知陛下聖德光明。本無偏倚。自此無復顧慮。各罄心腹。以不負陛下任使。實宗廟無疆之福。臣等冒犯宸嚴。罪當萬死。不勝俯伏俟命之至。龜年論續降指揮之弊。上疏曰。臣聞古之善治天下者。詳於用人。而略於用法。故法不過制其大綱。而君臣之間。相與講切者。唯擇人以

付之而已。故所用無非才。而法亦恃以無敵。後世徒欲以法籠絡天下。左牽右制。一創百補。不勝其繁。而用人之際。國莽滅裂。一切不問。故人適足為法之蠹。而紛紛改更。皆非法之真敵。實人敵之耳。恭惟陛下聰明。意天不自克聖。寬洪盡下。言無不聞。近日天下利害雖瑣細猥繁。亦得以上達天聰。然究其所言。類多責詳於法。而不求治於人。故朝下一物。夕更一令。所謂續降者。殆不勝紀錄。曾不知官非其人。法亦徒設。姦吏舞弄。出此入彼。適足以亂吾法耳。故臣妄謂善治天下者。任法不如任人。變法不如變俗。使天下士大夫。皆持公爾忘私。國爾忘家之心。以莅官。效職。則國家之法。何者非善。苟有所不及。亦必有以治之矣。臣之區區。願陛下與二三大臣。先講所以官人之方。無使資格得以容不才。薦舉得以行私意。移審度人情之心。以審度人物。變推行已私之智。以推行公道。則求用之人。必無不才。所居

之官。必稱其職。雖以今日之法。為天下蓋有餘矣。不然。臣未見徒法可以立者。唯陛下留神。

吏部尚書趙汝愚奏薦張漢卿元汝楫狀曰。臣等備數銓曹。慚無補報。所得滯淹之士兩人。職守所在。不敢隱默。竊見從事郎張漢卿。初任監興國軍在城酒稅。到官未久。偶太守不相知。督責太過。漢卿不堪其辱。遂和淵明歸去來詞一篇。大書于印曆而歸。今杜門讀書。恬澹自守。已十有六年。又承節郎元汝楫。嘗監復州酒稅。課亦登辦。時郡中公使。庫有煮醞酸腐。太守責令酒務變賣。汝楫辭曰。在城拍戶。困於省額。不聊生矣。豈能認無用之酒。陪無名之錢乎。堅拒不受。太守怒。押汝楫下簽廳供責。吏稍侵之。汝楫曰。我直彼曲。何供之有。遂取印曆一抹而歸。今躬耕畝畝。蓋二十餘年矣。臣等竊惟漢卿等皆一介小官。能不為勢利所屈。忍貧絕祿。不辱其身。若朝廷稍旌異之。

使各充其所志。則異時臨事。必有可觀。伏望聖慈。特將漢卿汝楫。並與堂除差遣一次。仍令吏部取索印紙。重別換給。庶幾廉耻道興。縉紳知勸。誠非小補。

汝愚薦蜀中三縣令狀曰。臣頃歲蒙恩。備負制印。竊見西蜀四路多士如林。其間學行優長。俱被朝廷選用。惟諸邑知縣。未聞以治績蒙擢用者。竊恐無以深慰遠俗。臣伏見承議郎劉甲。乃元祐名摯之曾孫。幼孤能自奮立。昨知夔州雲安縣。其邑素號難理。惟甲寬而有制。明而不苛。為政優游。人自悅服。既去而人思之。宣教郎程驥。人物秀整。嘗宰峨眉青城兩大縣。而青城尤多巨族。租賦皆不以時輸送。惟驥到官。不用刑罰。雖經累月。而杖未嘗啓封。人亦無犯。從事郎謝辛。為人磊落。有志事功。上津極邊僻遠。久無人願就。惟辛一聞辟命。略不辭難。時有朝旨修鵠嶺關。工役甚大。而窮山極谷。民戶凋零。勢必

甚擾。賴辛躬行險阻。委曲措辦。事濟而人安之。在任三年。綏撫善良。鋤治強狡。四境安靜。及辛既滿。經今累年。復無一人肯就辟者。右三人非惟所居政績尤異。而文學行誼。亦皆可觀。伏望聖慈。特賜旌擢。以為四蜀官吏之勸。一方幸甚。

汝愚又應詔薦李信甫徐誼鄭湜王聞禮范蓀楊翼之狀曰。臣伏見朝請郎主管建昌軍仙都觀李信甫。實無華剛毅有守。入居臺院。頗著直聲。出守近藩。亦多美政。朝奉郎兩浙西路提舉常平公事徐誼。育德粹溫。受才膚敏。方居學校時。已慨然有憂世之志。今把麾持節。所臨有聲。朝奉郎知建寧府鄭湜。文為國華。積有時望。建寧災寇之後。人情未安。自湜下車。寬猛並用。旬月之間。吏民悅服。右三人各曾任監司太守。可備郎官卿監之選。宣教郎荆湖北路安撫司幹辦公事王聞禮。故太子詹事十朋之子。重厚質直。有其父風。臨事毅然。

義形於色。宣毅郎邛州蒲江知縣范蓀。資稟粹然。清約自守。臣見其嘗臨利害。群議紛紛。蓀獨退避不爭。人服其量。從政郎前汀州武平縣丞楊翼之。風力敏彊。有志當世。莅官則政事可紀。居鄉則信義可稱。右三人資歷未深。可備職事官之選。若蒙朝廷擢用之後。其間有不如所舉者。臣甘坐謬舉之罰。

知潭州朱熹同監司薦潘燾韓越蔡咸方銓狀曰。臣等竊見比年以來。臣僚申嚴薦舉之法。以革獨負之弊。蓋所以示公道而杜私情也。然人之才固有不同。而薦之者所見亦或不一。徃徃獨員之薦常多。而列銜之薦常少。繇此故也。臣等備員帥臣監司。其於一路人才。職當留意。既不敢以已見獨薦。而參之以公論。苟有可以備采擇者。又安敢隱嘿。竊見朝請大夫權知邵州潘燾。以學問持身。以儒雅飾吏。不鄙夷其民。首以教化爲務。崇尚學校。修建先賢祠宇。民有囂訟。論

之以理。事至有司。敏於決遣。由是庭訟日簡。郡圍屢空。湖北徭寇。侵犯邊境。而燾處置得宜。民用安堵。至於移屯。置寨。爲民防患者。無所不用其至。其他設施。一切不苟。臣熹昨與帥臣周必大已嘗以其姓名薦聞矣。朝請郎權知全州韓邈。名臣之後。材力有餘。入仕以來。凡三作邑。皆有可紀。民情利病。纖悉洞究。全之爲郡。久費枝梧。而邈迺能檢稅吏姦。稽考滲漏。民間輸納。不多取斛。面糜費商。稅寬減苛。細前收財賦。不辦。邈至未幾。即不欠漕計。且足郡用。奉議郎權通判邵州蔡咸。有高祖襄精明之風。自初試吏。即以能聞。用獲盜賞。改官。又用收疆賊。應副錢糧。賞循資。又因水滂賑濟。中書籍記姓名。比者邵有徭人之擾。咸詣山前督捕。暴露經時。多設方畧。鈞致蠻獠之情。卒能使之恐懼納款。其他伉理郡政。不競不隨。經總制錢。不待催督。每歲溢額。總所亦已保奏。委之賑濟。措置有方。民被其惠。奉議郎提刑

司幹辦公事方銓器資宏裕識趣高明向宰懷安劇邑連事三帥皆稱其寬簡不擾急吏緩民所薦之詞如出一口懷安之民至今稱之今任湖南屬官其在幕中靖重寡言澹若無營至於酬應事機多所贊助前任提刑孫某嘗以其學識深潛持守正固薦充所知是四入者職雖不同然其才各適於用欲望聖慈特加旌擢以為趨事赴功者之勸如後不如所舉臣等甘坐謬舉之罰須至奏聞者

熹知漳州薦龍溪縣令翁德廣狀曰右臣叨被誤恩假守偏郡自到官以來惟思所以仰稱使令之意以為布宣德意固為郡守之職然苟屬縣奉行不得其人則無官而及於百姓故嘗深察諸縣令佐之賢否其背公營私廢弛不職者已嘗按劾具奏得旨施行其涖官公勤委有善狀者又豈敢默默而不以上聞乎臣伏見朝奉郎知龍溪縣翁德廣天資剛直才氣老成不為赫赫可喜之名而每有懇懇愛

民之實臣嘗以縣事大要者三察其施為知其果有可稱者刑獄詞訟財賦是也縣所解徒流以上罪歲率數十臣取其案牘觀之見其親畫條目委曲難問必盡囚辭而後已及州司理院再行審鞫而囚卒無異辭皆以縣之所鞫為得其情是能上體國家哀矜庶獄之意也漳之四邑龍溪為大理訴之牒日百餘紙巧偽詆譖姦詐百出德廣乃隨事處決終朝而畢人服其公未嘗有知責留禁之人是能使百姓無屈抑不申之訟也縣所賦入最為浩繁合三縣之數不足以當龍溪十分之八郡之經費賴以取足德廣乃從容應辦民自樂輸吏無追督是能足用裕民而無抑配科歛之患也攷其治行蓋庶幾乎古之循吏者竊謂若使凡為縣者皆能如此則國家德澤不患於壅隔而田里之間亦不復有歎息愁怨之聲矣臣與德廣為同郡人其孝友稱於宗族行義信於鄉閭臣素知之固已甚審至此一年察

其所以施於有政者又如此。故今不復以鄉曲爲嫌。已照薦舉格令舉充陞陟員數。又念方以災患乞奉香火。朝夕得旨。便當解罷。而德廣去替。亦以不遠竊恐後來者知德廣之賢。未能若臣之詳。偶至脫略。則在臣有見賢不能舉之罪。臣愚欲望睿慈察臣所舉。出於公論。將德廣特與陞擢。差遣以爲官吏勤事愛民之勸。臣不勝大幸。謹錄奏聞。

蔡戡奏薦鄂州通判劉清之狀曰。照對臣等。待罪本路。職任雖不同。其於薦賢報國。臣子之心則一。部內有賢。知而不舉。當得蔽賢之罪。臣等不敢隱嘿。竊見承議郎通判鄂州軍州事劉清之。學行醇篤。議論正平。不爲矯激。以盜虛名。不肯詭隨。以追時好。其憂國愛民之心。趨事赴功之意。出於懇惻。居官首以風化爲務。留意學校。廣延生徒。又率介胄子弟。欲習兵書者。肄業其中。荆楚之俗。明鬼病者不藥而

巫。死者不葬而火。清之力禁止之。而又斥淫昏之祠。表烈女之墓。抑告訐之風。使民知嚮。屢攝郡事。邦人宜之。項任太常寺主簿。以憂去官。今任垂滿。其人靜重。耻於自媒。臣等不言。終恐湮沒。欲望睿慈。特賜旌擢。或且試以一郡。必能撫字。疲民。假以一節。必能澄清。屬部。儻不如所舉。臣等甘坐謬舉之罰。

戡奏薦衡州通判宗嗣良狀曰。照對諸州通判。亦號按察官。郡守或關必以次攝事。如得其人。則郡政賴以修舉。所補不細。臣等近遵聖旨。考穴一路郡守臧否。具名聞奏。去訖。惟是通判攝行郡事。顯有勞効者。臣等職在廉察。其敢蔽而不言。竊見通直郎權通判衡州軍州事宗嗣良。故觀文殿學士京城留守澤之孫。澤以忠義著聞。而嗣良天資明敏。濟以勤恪。自到官之初。適值知州趙彥恂因言章放罷。嗣良實權州事。衡爲湖南劇郡。嗣良不以時暫權攝。而懷苟且之心。夾

遣滯訟。曉夕不懈。蠲除苛歛。務寬民力。稽察欺隱。財賦自足。首尾半年之間。起發上供錢物。應副官兵請給。並無違闕。而不聞秋毫之擾。安撫轉運兩司。委嗣良和糴米三萬餘石。未嘗過糴。而應期了辦。其他處事。多合人情。一郡士民翕然稱之。近已得守臣張緯到任交割。訖緯嘗知南康軍。嗣良為建昌知縣。累政皆以罪去。而嗣良獨以治辦稱。緯亦素知其能。到郡之初。賴以協濟。兼詢訪得嗣良初任汀州長汀縣主簿。郡守以廉吏薦。嘗蒙中書省籍記姓名。次任靜江府靈川縣令。亦為漕臣所薦。今觀其人。稟資強敏。足以辦事。存心忠厚。不肯擾民。如蒙朝廷付以劇任。必有可觀。欲望聖慈。特賜旌擢。使之展盡其才。亦為能吏之勸。不勝幸甚。

戡又奏薦臨安通判王補之狀曰。臣猥以疎庸。承乏京邑。適值多事。加以歉歲。應辦百出。惴惴然惟曠敗是憂。所賴寮佐同心。叶濟。僅無

遺闕。臣嘗具奏。乞將趨事赴功之人。稍加旌擢。激厲其餘。得旨依奏。臣竊見臨安府通判王補之。天資敏明。濟以勤恪。精通法令。兼曉義理。臨事不苟。處事適中。而又行之以公。持之以恕。每有滯訟疑獄。多委參訂。必加詳審。於人情法意。無不曲當。昨來禁中修造。阜陵發引。與夫舉行荒政。悉以委之。一皆趣辦。臣賴其裨贊為多。考其治行。實為一府僚屬之最。兼其人試中法科。曾任大理寺丞。例當得郡。而乃俯就倅貳之職。其廉於進取可知。欲望聖慈。特賜旌擢。他日或有繁難任使。必能了辦。公不如言。甘坐謬舉之罰。

戡又奏薦胡槻。萬俟似狀曰。照對臣等所部二十四州。去朝廷最遠。仕者不憚數千里深入瘴鄉。無非為利。媮惰苟且。浸以成風。鮮有不溺其習者。其間廉平之吏。僅或有之。求其材術優異。治績昭著者。得二人焉。臣等隱默不言。不惟獲蔽賢之罪。淑慝不分。亦無以示勸。臣

敢冒死奏聞。竊見奉議郎知邕州胡槻。名臣銓之孫。家學自有源流。其人性資明爽。風力強敏。有志事功。究心職業。前任靜江府通判。差權貴融象三州。所至輒最。諸司交薦之。邕管極邊。控禦溪洞。彈壓盜賊。最為要地。管下武緣宣化二縣。羣盜淵藪。豪猾巨寇。根株囊橐。盤固累年。更不能制。槻到官未久。廣設方略。遣人擒捕。戮其渠魁。蕩其巢穴。餘黨鼠竄。境內帖然。地年以來。沿邊官吏。多為州洞所囑。恣其侵暴。不敢呵問。槻正已律人。無一毫與之交私。示以誠信。蠻徭知畏。姦民販鬻。生口賣出外界。槻力行禁止。此患少息。蠻人互市。吏卒姦弊百出。槻痛革之。又能節損用度。修葺城壁。建樓屋千餘間。除治軍器。訓練士卒。以備不虞。勸誘州洞士人。入學聽讀。使知忠義。職務具舉。課其治效。實為一道之最。又朝奉大夫通判靜江府。萬俟卨故相高之孫。其材具風力。不在槻下。雖兩佐郡。未究所長。前任潭州通判。

帥臣王蘭余端禮相繼力薦於朝。會卨適以憂去。今任到官累月。協贊郡政。非一人明而能恕。敏而加審。凡定奪公事。躬覽案牘。剖決是非。平允詳盡。合於法意。當於人心。委之以事。不擇劇易。不避嫌怨。毅然有守。不可干以私。動遵繩檢。各守廉隅。不為流俗所移。察吏之中。未易多得。實為一府之望。臣等與二人素無雅故。亦非請託。既知其才。不敢隱蔽。欲望聖慈。特賜旌擢。以為遠方官吏之勸。儻不如所言。臣等甘坐謬舉之罰。

戡又奏薦高商老周燿劉董狀曰。照對臣等俱蒙誤恩。臨涖劇部。思欲推廣德意。惟藉郡守得人。凡二十四州之廣。其有治績顯著者。敢不相繼奏聞。向者諸司。嘗以知邕州胡槻為一路之最。首先剡上。未蒙朝廷施行。續加考察。復得其人。不避煩瀆。輒敢論薦。伏見朝請郎權知象州高商老。行義著聞鄉間。才術見推流輩。文學吏事。皆有過

人。頃宰劇邑。已若能稱。前後守臣。以其政績上聞。嘗降四轄指揮。今為象臺。行將兩考。為政平易。民懷吏畏。檢梳姦弊。郡計自然有餘。撫摩凋殘。田野為之加闢。以至興修學校。繕治城池。鼎新軍營。易苑以瓦。區處有方。人不知役。繼累政窘。屢之餘。而能百廢具舉。稽之列城。未易多得。又朝散大夫知潯州周熿。問學深醇。操履堅正。秉心靜退。恬於勢利。士論鄉評。莫不歸重。繼宰兩邑。吏民至今去思。逮為總所。幹官分務。池陽革去弊蠹。號為稱職。諸司亦嘗交章論薦。今茲試郡。清淨愷悌。宜民愜意。牧養流亡。復業。獄訟清簡。人皆安之。在一路中。獨無訟牒。至于諸司。又能持身廉介。以律察吏。久例以魚稅錢幾千緡。充郡守月給。熿皆却而不取。人所難能。攷其治行。近古循吏。又朝奉大夫知耳州劉董。元祐故相摯之後。動遵家法。嚴正有守。吏不能欺。試郡西融。諸司已嘗論薦。宜陽控扼群蠻。最為衝要。而郡計窘屢。

事多廢弛。自董到官。數月之間。興滯補弊。井井有條。理詣儒奉。賜官兵廩祿。率皆按月支給。無復異時逋滯之苦。奉行鹽筴。尤得其宜。調度賴以豐裕。民徭安堵。不相侵擾。實為邊最。臣等參訂共議。得此三人。不敢隱默。自貽蔽賢之罪。亦不敢私徇。以干謬舉之罰。欲望聖慈。持加甄擢。庶幾可為遠方牧守之勸。

又奏薦蔣來叟狀曰。臣守藩行且再朞。自念初無毫分可以稱塞。惟有薦賢報國之心。不能自己。竊見靜江府。雖邈在嶠南。然國家二百餘年聲教所暨。風化所漸。為日滋久。邇來文物寔盛。人材間出。過於疇曩。往往困於僻遠。無路自達。終老炎荒。今有卓然傑立。而為郡適在巡管之內者。不敢隱嘿。謹以薦聞。竊見知賓州蔣來叟。天姿敏明。抱負瓌偉。績文種學。曾出輩流。莅官臨民。動輒可紀。早中甲科。繼登朝列。其人材可與中州之士頡頏。實為二廣人物之秀。今守荒遠。

小郡規摹施設如古循吏。治行藹聞。為一路最特處。之未得其地。用之不盡其材。使之陸沉瘴鄉。誠為可惜。若假以內地。麾節漸加。擢用必有可觀。臣愚欲望聖慈。特賜甄錄。以為遠方表勸。庶使嶺外士子。仰認聖主不忘遠之意。後來人材出者。皆知激厲。以備國家器使。不為無補。臣不勝區區至願。謹錄奏聞。

戡又奏薦趙時侃。方信孺狀曰。照對臣。今月二十六日。承宰州公文。準吏部符。七月初二日。三省同奉聖旨。在內令侍從臺諫兩省。卿監郎官在外。令監司郡守前宰執。侍從不拘文武。臣各舉人材三兩人。限三日具奏。者。臣伏覩奉議郎通判常州軍州事趙時侃。性資閎爽。吏事精明。濟之以中和。飾之以儒雅。初調武進縣尉。已有能稱。適值歲飢盜賊旁午。時侃廣布耳目。多設方略。尋即捕獲。用賞改官。及宰句容。剖決民訟。皆得其平。經理財賦。不擾而辦。興利除害。愛民戢吏。

邑人至今思之。今任毗陵郡丞。究心職業。有志事功。處心和平。不尚苛刻。治事勤恪。不為苟且。佐理郡政。調娛為多。諸司所委。看定按牘。平讞獄訟。咸謂允當。列銜論薦者。至再前後。舉者二十餘人。其人老成詳審。練達疏通。凡所施為。無不中節。事方叢委。時侃處之。綽有餘裕。付以一路。必能澄按所部。昇以一郡。必能惠養小民。委之繁劇。必能治辦。今已書兩考。旦夕受代。唯朝廷所用。又承務。即知紹興府蕭山縣丞。准東隨軍轉運司幹辦公事。方信孺材猷雋明。風力強敏。文采吏事。皆有可觀。粵自弱歲。下筆出語。固已驚人。出於天資。非由學力。及其入仕。慷慨敢為。事不辭難。所治輒辦。初調番禺縣尉。承累政廢壞之後。創立解宇。蓋造營房。置辦軍器。教閱弓手。境內肅然。番禺新會關。令府檄攝事。剴剔蠹弊。百廢一新。朝廷行下勸諭。納粟。本府委令信孺。措置到三萬餘石。諸司知其才。同銜奏辟。知增城縣。上章

列薦者無慮十數。今任以獲盜賞改秩。知蕭山縣丞。到官未幾。姓名聞于朝廷。選差充淮東隨軍轉運司幹官。見在軍前。應辦其人年壯氣盛。有意功名。奮厲激昂。不擇劇易。少加涵養。必為成材。內而繁難職事外。而沿邊任使。皆可試用。此二人者。臣或目擊其治行。或熟知其才業舉。以應詔將來朝廷擢用。後不如所舉。甘俟朝典。

戡又奏薦萬俟卨張忠恕狀曰。照對臣等濫膺委寄。刺舉列城。五嶺之西。封域至廣。薦賢揚善。職所宜先。雖在僻遠。猶當識拔。况居臺府之下。復出流輩之中。若不公共奏聞。何以明示表勸。伏見朝奉大夫通判靜江府萬俟卨。好學自修。不墜祖烈。涖官行已。皆有可觀。廉介自將。公正不撓。遇事明審。而持心近厚。材優治劇。而不為煩苛。入仕已及六任。前後兩丞會府。所至皆有聲績。自倅靜江。逾一考。詳定案牘。剖決精當。攷覈簿書。晷弊洗空。更不能欺。事至立辦。動遵繩檢。不

可干以私。頃在長沙時。帥臣王藺余端禮相繼力薦于朝。此來諸司亦嘗剡上。雖已報聞。未蒙甄錄。又通直郎充廣南西路轉運司主管文字張忠恕。生長名門。耳濡目染。不學而能。服勤儒素。而無貴介之習。妙齡秀發。而有老成之風。試吏之初。人已夸敬。逮為賓幘。尤見其材。運司財計。至為浩繁。分典南銓。尤難平允。加以漕臣仍年數易。中間鹽筴逋滯為多。忠恕乃能一意裨替。檢核吏姦。區處得宜。事皆修舉。頃為臨安府樓店務時。帥漕各舉以所知。此來漕臣亦嘗論薦。前此以其方始到官。故諸司未敢列薦。臣等竊詳二人。雖中州僚佐之盛。恐亦未易多得。而使之淹回。遠方實所共惜。敢望聖慈。特加擢用。庶使臣子歆羨。知嶺海之間。無異畿甸。有善必錄。無遠不聞。人皆樂於遊宦。以興起事功實一路幸甚。

戡又乞選擇監司。上奏曰。臣聞范仲淹執政。患諸路監司不才。取班

簿視之。每見一人姓名。以筆勾去。以次更易。富弼曰。公是一筆。焉知一家哭。仲淹曰。一家哭。何如一路哭耶。遂悉罷之。韓琦當國。用監司。或非其人者。崔公孺曰。公居陶鎔之地。宜以造化爲心。造化以蛇虎。諸害人之物。故置蛇於藪澤。置虎於山林。今公乃置之通衢。使爲民害可乎。夫監司者。號爲外臺耳目之寄。其權任亦重矣。苟得其人。百姓知所畏。苟非其人。一路受其害。可不遴選耶。國初始置轉運使。淳化中。遣官提點諸路刑獄。天聖中。置轉運判官。熙寧中。置提舉常平。其後又有提點坑冶茶馬市舶。俱號監司。一路之間。多至五六人。使有風節才力者爲之。一二人足矣。何以多爲。如其不然。重爲民害。九除一監司。槩以中數歲。費三萬緡。公帑萬緡。迎送萬緡。俸給五千緡。兵卒券食五千緡。賢者居之所費止此。不才者抑又甚焉。多取頭子錢者有之。抑賣公庫酒者有之。科買土產物者有之。巡歷之餽遺宴

設吏卒之取乞批支。蓋非一端。州縣之擾可知也。而又遷易不常。費用不貲。且以湖北漕言之。淳熙三年。殆今五六年間。允送迎三十餘次。如此漕計。安得不匱。民力安得不困乎。以臣愚見。不若省其負而擇其人。夫畿甸之內。最爲浩穰。向來獨負。亦未有不辦之事。今江東西湖南北。福建並置兩漕。其一似可省矣。淮浙閩廣。產鹽之地。置提舉可也。湖南北江東西。似可併矣。茶馬坑冶。職兼數路。遣使可也。閩廣市舶。職務至簡。似亦可併矣。負省則可以減費。負少則易於擇人。費減則用度足。人擇則職務舉。此必至之效也。臣愚欲望聖慈。明詔大臣。應諸路漕臣。止除一員。江湖提舉茶鹽。閩廣提舉市舶。議所以省併之。然後遴選有風力資望者。分使諸路。監司得其人。必能激濁揚清。而守令職稱。守令得其人。必能奉法循理。而田里安業。爲治之要。莫先於此。取進止。

醴泉觀使周必大奏論任官疏曰。臣聞堯舜而下設官分職。未嘗不以久任爲先。鯨堙洪水。汨陳五行。堯猶待其九年。然後易置。暨舜亦以三載考績。九年然後黜陟幽明。後世何獨不然。粵自漢唐以迄于今。論者孰不以是爲急務。固無待於縷進。只如本朝文彥博年過九十。更事最多。當元祐二年。輔哲宗初政。累上言。謂中外任官。移替頻速。在任不久。有如驛舍。無由集事。何以致治。今聖主臨御。詢事考言。竊計講之已熟。次第施行。抑臣偶有管見。輒妄言之。今外路迎送守倅。監司借請不貲。凋耗郡計。最爲大弊。其尤可慮者。川廣小郡。廩禁軍。人數至少。每遇迎新送舊。徃徃別作名色。盡數差撥。遠者一年。近或半歲。奔走道路。廢其闕習。平時旣已傷財。緩急又將誤事。若皆任滿。猶且庶幾。其間偶有事故。則歲中一再如此。何以堪之。臣意欲朝廷將川廣小郡迎送。在千里之外者。別爲區處。或就所過州郡。隨其

川陸。應副舟車。遂節交替。所費度不甚多。其本處迎送。止以鄰境爲斷。一則大省借請。二則不妨備禦。然須所過州郡體國奉公。乃無阻滯。其餘大郡。事力可辦。又當別作措置。願付議臣審詳。利害使之悠久可行。免至輕於出令。若乃選擇得人。深戒數易。或令區任舉。增秩賜金之典。則不勞更張。善無以加矣。

監察御史虞儔輪對劄子曰。臣聞邦本之安危。常係乎民情之舒慘。民情之舒慘。常係乎守令之賢否。書曰。民惟邦本。本固邦寧。唐張九齡曰。元元之衆。繫命於縣令。宅生於刺史。蓋擇守令以結民心。以固邦本。聖哲之格言。帝王之先務也。臣竊見今之州縣。若守若令。莫不以財賦爲先。未嘗以民事爲意。其農桑之勸。不勸。差役之均。不均。戶口之安。不安。獄訟之理。不理。如秦人之視越人。肥瘠。藐焉不加憂喜。於其間。至若催科一事。則急於星火。上供有常額。則以出剩爲能。省

限有定期。則以先期為辦。斛斗升合。所以準租也。則對量加耗。尺寸銖兩。所以均稅也。則展取音零。不求羨餘之獻。則為乾沒之謀。搥肌剥髓。十室九空。民財既殫。民心亦怨。萬一水旱繼作。年穀不登。飢寒迫於身。其不去而為盜賊者鮮矣。善乎揚雄有言曰。秦之有司。負秦之法度。秦之法度。負聖人之法度。是以秦之末年。郡縣皆殺其守令。而叛。蓋怨疾之久矣。唐至僖懿以後。奢侈日甚。賦歛愈急。連年水旱。百姓流殍。盜賊並起。尤憎官吏得者無不殺之。亦若秦而已矣。夫張官置吏。而使民疾之如讎。則其為國不亦危乎。易曰。履霜。堅冰至。是豈可不為寒心哉。我本朝有天下二百餘年。所恃以為萬世不拔之基者。人心而已。臣願陛下躬行節儉。減省冗費。不專以區區財賦為急。明詔大臣。精擇守令。且以惠養斯民為先。俾之以課勸農桑。平均差役。安集戶口。理斷獄訟。蓋農桑既勸。則民有餘財。差役既均。則民

有餘力。戶口既安。則民無流移。獄能使之困。雖有姦民。不能使之亂。生靈幸甚。

傳又輪對劄子曰。臣聞為君之道。子而以小人間之。非也。聽忠言而器鸞。不並栖。君子必惡小人。小人常勝君子。自古至今。勢不兩立。君子必在外。內外之分。否泰係焉。行苦口則難受。逆耳則難從。小人據正論。事而不肯詭隨。雖上之人知其為姦邪。然未有能決去之者。漢元帝即位之初。蕭望之、張猛、

既理則民無冤抑。雖有天災。不心既固。邦本永寧矣。宗社幸甚。

過用人。聽言之二端而已。用君讒言。沮之亦非也。夫薰蕕不同。必害君子。君子不能勝小人。小人在內。小人必在外。小人在內。必藥苦口。利於病。忠言逆耳。利於口。窺人主之意。務為迎合。君子則一聽並觀。然久之不能無惑。雖灼執狐疑之心。持不斷之意乎。昔與夫恭顯、許史之徒。雜然並立。

於朝是非相攻。好惡相激。元帝初。固亦洞然。卒也。望之引決於私室。張猛自殺於公車。劉向擯斥不。移。國祚日以衰。無足恠者。雖能更。民減樂府。負罷甘泉宮。衛齊三服。為君之道。豈不在用人。聽言之間。舉臯陶。不仁者遠矣。湯有天下。選。明如舜。勇智如湯。真異世而同符。有。如漢元帝之事。亦不可不鑒。雖然。小人之情。偽常以疑似而亂。其。惟無心於上者。乃克有所見。權。衡無心於輕重。故錙銖莫欺。水鑒。心於妍醜。故毫釐罔遁。人主苟。能無心以御羣臣。是非邪正。一付。衆議。衆議所是。我則與之。衆議。所非。我則去之。彼惡得而欺我哉。公。衆人之視。然後為公視。合衆。人之聽。然後為公聽。書曰。天視自。民視。天聽自我。民聽。衆之所在。

雖天不廢也。惟陛下留神取止。

起居郎劉光祖。乞留侍講。朱。未光侍立螭坳。勸講經。幄至。天聽。臣十九日。直前面對奏。畧與施行。庶幾其人。久在經。有言不行。決至求去。召之難。陛下采擇其言。畧行一二。良。而求去。使人得以窺議國家。喜批出。與之宮觀。熹自求去。所傷抑已多矣。然必有其故。之遽。宰臣之言。轉力。陛下怒。全國體。見此御筆。密不使人。劉子曰。臣孤遠之迹。幸得依日月之。至近。凡有所懷。敢不輸瀝血誠。上。本職之外。因言朱熹前後論事。望且。補助聖德。臣之愚慮。蓋恐朱熹自見。去之。易四方視此。為國重輕。所以乞。此故也。臣當時只慮熹從此因不合。圖是日。陛下不知積因何事。大不樂。猶恐虧損事體。今陛下乃自去之。其。臣等不知。不然。陛下何用之急。而去。轉深也哉。趙汝愚本為愛護君德。存。之。雖其同列。亦不以告。意謂天意終。

回然後徐令熹從容自請遂
而不行人主之命令。中批徑
昔英雄之主怒及忠賢。如漢
怒也。如雷霆之震而不測。及
下陳之武帝方招徠文學儒
多欲而外施仁義奈何欲效
卿皆為黜懼。帝退謂左右曰
帝則曰古有杜稷臣至如黜
之臣。武帝豈終怒黜哉。太
不剴切。一日朝罷怒曰會須
白。魏證數廷辱我。后退具朝
明臣直。今魏證直。由陛下之
難進之素志。而陛下未察。以
熹所觀此。則聖怒之深固可
帝之於汲黯。唐太宗之於魏
悔也。如日月之食而復明。臣
詔策之曰吾欲云云。黯對曰
虞之治乎。帝默然。怒變色而
天汲黯之釐也。及莊助為黯
人矣。前以為愚釐而後則以
魏證言無不從。證前後二百
此田舍翁。長孫皇后問曰誰
止於庭。太宗驚問其故。后曰
以也。妾敢不賀。太宗乃悅。夫
太宗之

於證方盛怒而欲殺。聞后言之善則悅而從之。太宗豈終怒證哉。漢
唐之英主。無終朝之怒。此猶以義理而矯其天資者也。本朝仁宗皇
帝。仁厚之主也。亦嘗有所不堪而怒。尋復悔之。唐介之事是也。介彈
文彥博。仁宗怒曰介言他事乃可。至謂彥博因貴妃得執政。是何言
也。介面質彥博。其爭愈切。仁宗大怒。玉音甚厲。眾恐禍出不測。是時
蔡襄修起居注。立殿陛。即進曰介誠狂直。然納諫容言。人主之美德
必望全貸。遂召當制舍人。就殿廬草制。貶春州別駕。明日御史中丞
王舉正救解之。上亦中悔。改為英州別駕。仍從介言罷彥博政事。其
後召介復用為御史大夫。仁宗暫怒而即悔。不惟無恨介之心。又使
之再在言路。真所謂聖度如天。非漢唐二君所能及也。今陛下之怒
熹。無乃類於是乎。臣安知在內無莊助之請。長孫后之賀。而臣實居
蔡襄之任。敢不以仁廟事陛下乎。雖然。熹明先聖之道。為今宿儒。職

專勸講。蓋陛下之所尊禮。又非黜證介三臣之比也。三臣以直諫逢怒。而熹以古道獲踈。則儒者果無益於人之國如此乎。且熹為人。陛下在潛邸。久知其姓名。以壽皇之英明。嘗欲用之。而卒不及用。以太上之寬厚。又欲用之。而竟不能致者。蓋小人望風而嚴憚之有素。此熹所以在外。則負四海之望。在朝。則無一日之安也。然陛下即位之始。首召熹而寘之於侍從者。何哉。陛下初膺大寶。以危惕爲心。招來耆儒而崇獎之。用慰遠近之望。此陛下初政之最善者也。而熹本不可屈。老乃更變。深存宗社之念。夫是以翻然一來。臣素不識熹。每與相見。但勉令少安。不可遽爾求去。以副主上嗜學渴賢之意。趙汝愚亦嘗令臣勉熹。切未須深切言事。第磨以歲月。涵養聖心。俟既浹洽。不患不言聽而諫從。恐多強人主以所難行。久必生厭。厭而請去。則頓乖始謀。轉使朝廷難於處置也。熹比往來。已是與人曲折。聞臣此

言。自謂酌量可否。亦欲遲久有補聖明。獨不知曾向陛下言及何人。說及何事。忽觸天威。至於即日罷遣。臣料必不因十九日經筵留身所奏之一事。而陛下遂赫然去之也。熹久有重望。又在經懽。不同他官。進之退之。皆當有禮。故大臣重惜事體。不即施行。秘而不言。仰冀密回天意。而方逢宸怒。未軫聖思。踉蹌彷徨。對人絕無顏面。且陛下亦嘗念之乎。使太上前者。因廷臣盡言而舉逐之。則方人心欲變之際。祖宗社稷。誰與扶持。陛下曆數。誰其翊戴。今群賢幸集。而一旦無故先去。首召首用之大老。使人解體而離心。臣兩日如醉如迷。不謂聖君忽有此失。只如臣往年以執憲殿中。極論吳端超遷。給諫失職。既蒙宣諭。執奏如初。違忤太上的意。奪臣言職。然猶伏臣三請祠而後許。臣去國。今陛下既曰。憫熹耆艾。又何恩意之蔑如也。且古之君子。進人以禮。退人以禮。今之君子。進人若將加諸膝。退人若將墜諸

淵。今陛下之於熹。無乃加膝墜淵之謂乎。夫天道乃人事也。前日不測之風雷。即兆陛下時出不測之號令。有如此也。熹麋鹿之性。惟恐不入山林。臣等姑羈縻之。而陛下乃解而縱之。是使熹得遂初欲。而陛下自乖始圖。陛下得無未之或思也歟。臣叨荷寵榮。不忍嘿嘿。伏望聖慈。覽臣此章。釋然悔悟。以示遠近。以安群聽。昔帝堯捨己從人。而成湯改過不吝。無使前日尊儒重道之心。一變而為惡直踈賢之舉。臣非助熹者也。乃真助陛下者也。惟陛下財幸。

侍講朱熹以言事去。監登聞鼓院游仲鴻上疏曰。陛下宅憂之時。御批數出。不由中書。前日宰相留正之去。去之不以禮。諫官黃度之去。去之不以正。近臣朱熹之去。復去之不以道。自古未有宰相諫官講官而能自為聰明者也。願亟還朱熹。毋使小人得志。以養成禍亂。

殿中侍御史林大中奏言進退人才。當觀其趣向之大體。不當責其行事之小節。趣向果正。雖小節可責。不失為君子。趣向不正。雖小節可喜。不失為小人。又論今日之事。莫大於讎耻之未復。此事未就。則此念不可忘。此念存於心。予以來天下之才。作天下之氣。倡天下之義。此義既明。則事之條目可得。而言治功可得而成矣。

--	--	--	--	--	--	--	--	--	--	--	--

卷之三十四

